



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱԶԳԱՅԻՆ ԺՈՂՈՎ
ՊԱՏԳԱՄԱՎՈՐ**

14 հունիսի 2023

**Հայաստանի Հանրապետության
Ազգային ժողովի նախագահ
ԱԼԵՆ ՍԻՄՈՆՅԱՆԻՆ**

Հարգարժան պարոն Սիմոնյան,

Համաձայն Հայաստանի Հանրապետության Սահմանադրության 109-րդ եւ «Ազգային ժողովի կանոնակարգ» Հայաստանի Հանրապետության սահմանադրական օրենքի 65-րդ եւ 67-րդ հոդվածների՝ օրենսդրական նախաձեռնության կարգով Ձեզ եմ ներկայացնում «Տեսալսողական մեդիայի մասին» Հայաստանի Հանրապետության օրենքում լրացումներ կատարելու մասին» Հայաստանի Հանրապետության օրենքի նախագիծը:

Ազգային ժողովի աշխատակարգի 25-րդ կետի համաձայն՝ գրությանը կցվում են՝

ա) նախագիծը (հիմնական զեկուցող՝ Սիսակ Գաբրիելյան),

բ) նախագծի ընդունման հիմնավորումը,

գ) գործող օրենքում փոփոխվող հոդվածի մասին տեղեկանքը:

Խնդրում եմ օրենքի նախագիծը սահմանված կարգով դնել շրջանառության մեջ:

Հարգանքով՝

Սիսակ Գաբրիելյան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔ

«ՏԵՍԱԼՍՈՂԱԿԱՆ ՄԵԴԻԱՅԻ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔՈՒՄ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

Հոդված 1. «Տեսալսողական մեդիայի մասին» Հայաստանի Հանրապետության 2020 թվականի հուլիսի 16-ի ՀՕ-395-Ն օրենքի (այսուհետ՝ «Օրենք») 1-ին հոդվածի 1-ի մասը լրացնել նոր 6)-րդ կետով՝ հետևյալ բովանդակությամբ՝

«6) նպաստել տեսալսողական ոլորտում վարկանիշային չափումների զարգացմանը և չափման գործընթացին»

Հոդված 2. Օրենքի 3-րդ հոդվածի առաջին մասն լրացնել նոր 29-րդ և 30-րդ ենթակետով հետևյալ բովանդակությամբ.

«29) **Հեռուստալսարանի չափումներ**՝ փիփլմետրիկ սարքավորումների միջոցով առանձին տեսալսողական հաղորդումների կամ տեսալսողական ծրագրերի վարկանիշների բացահայտման կապակցությամբ իրականացվող գործունեություն»:

30) **Հեռուստատեսային ինդուստրիալ Կոմիտե**՝ (այսուհետ՝ Կոմիտե) անդամության վրա հիմնված ինքնակարգավորվող ոչ առևտրային կազմակերպություն (ԻԿԿ), որի իրավունքները, պարտականությունները և գործունեության առանձնահատկությունները սահմանվում է սույն օրենքով և իր կանոնադրությամբ»:

Հոդված 3. Օրենքը լրացնել հետևյալ բովանդակությամբ 3.1-ին գլխով.

«ԳԼՈՒԽ 3.1 ՀԵՌՈՒՍՏԱԼՍԱՐԱՆԻ ՉԱՓՈՒՄՆԵՐԸ

Հոդված 14.1. Հեռուստալսարանի վարկանիշային չափումները և սկզբունքները

1. Հեռուստատեսության ոլորտում վարկանիշի ձևավորվումը, ինչպես նաև հեռարձակման գովազդային շուկայում գնագոյացումն իրականացվում է հեռարձակողների, առանձին տեսալսողական հաղորդումների և տեսալսողական ծրագրերի հեռուստալսարանի չափումների միջոցով (այսուհետև՝ հեռուստալսարանի չափումներ):

2. Հեռուստալսարանի չափումներն իրականացվում են օրինականության, անկողմնակալության, անկախության, վստահելիության, արհեստավարժության, հետազոտությունների անընդմեջության և հեռուստալսարանի չափումների ոլորտում ընդունելի այլ սկզբունքների հիման վրա:

3. Հեռուստալսարանի չափումների արդյունքները ենթակա չեն հրապարակման, եթե համապատասխան հեռարձակողն այդ մասով համապատասխան պահանջ է ներկայացնում Հեռուստալսարանի չափումներ իրականացնող անձին: Հեռարձակողի կողմից համապատասխան պահանջը ներկայացվելուց հետո այդ գծով հեռուստալսարանի չափումների արդյունքները տրամադրվում են բացառապես կարգավորող մարմնին, ով դրանք կարող է օգտագործել օրենսդրությամբ սահմանված դեպքերում և կարգով:

Հոդված 14.2. Հեռուստալսարանի չափումներ իրականացնողները

1. Հեռուստալսարանի չափումներն իրականացնում են Կոմիտեի կողմից ընտրված և վերահսկվող առևտրային կազմակերպությունները:

2. Կոմիտեի կողմից հեռուստալսարանի չափումներ իրականացնող անձինք ընտրվում են առնվազն 5 տարի ժամկետով:

3. Հեռուստալսարանի չափումներ իրականացնող կազմակերպություններին ներկայացվող պահանջները՝ ըստ չափումների ենթակա նպատակի, դրանց ընտրության ընթացակարգը, գործառույթները և վերջիններիս հետ կնքվող հեռուստալսարանի չափումների պայմանագրի նվազագույն պայմանները սահմանում է Կոմիտեն:

4. Սույն հոդվածի 1-ին մասով և Կոմիտեի սահմանած ընթացակարգով չընտրված կամ չվերահսկվող կազմակերպությունների իրականացրած հեռուստալսարանի չափումների արդյունքերը հիմք չեն հեռարձակողների վարկանիշների ձևավորման, այդ թվում՝ գովազդի շուկայական ճանաչելի գնի սահմանման համար:

Հոդված 14.3. Կոմիտեն, դրա ձևավորումն ու մասնակիցների լիազորությունների դադարումը

1. Կոմիտեն իրականացնում է հետևյալ հիմնական գործառույթները.
1) սահմանում է հեռուստալսարանի չափումների չափանիշները.
2) մրցութային կարգով, որոշակի ժամկետով ընտրում է համապատասխան չափումներ իրականացնող կազմակերպությանը:

3) վերահսկողություն է իրականացնում չափում անցկացնող կազմակերպության հեռուստալսարանի չափումների կատարման նկատմամբ:

4) սահմանում է հեռուստալսարանի չափումներ իրականացնող անձանց ընտրության և մրցույթի կազմակերպման կարգը:

5) սահմանում է Հեռուստալսարանի չափումների գործընթացը կասեցնելու, դադարեցնելու, վերահսկողություն իրականացնելու կարգը:

6) իրականացնում է օրենքով չարգելված այլ գործառույթներ, որոնք միտված են Հեռուստալսարանի չափումների գործընթացի բնականոն գործունեությանը և կատարելագործմանը:

2. Կոմիտեն ձևավորվում է մասնակիցների կամավոր անդամության սկզբունքով, հետևյալ համամասնությամբ՝

1) հանրային և մասնավոր մուլտիպլեքսով սփռում ունեցող հեռուստալսարանությունները, (բացառությամբ միջպետական պայմանագրերի հիման վրա հեռաձակողների, ում հիմնադիրների/մասնակիցների/ ցանկում ՀՀ-ն ներառված չէ), որոնց մասնակցությունը կազմում է ընդհանուր ծայների քառասունինը տոկոսը: Ընդ որում, հանրապետական և մայրաքաղաքային սփռում ունեցող հեռարձակողները պետք է կազմեն առնվազն դրա կեսից ավելին:

2) գովազդատուները, որոնց մասնակցությունը կազմում է ընդհանուր ծայների քսանհինգ տոկոսը:

3) գովազդային գործակալությունները, որոնց մասնակցությունը կազմում է ընդհանուր ծայների քսանչորս տոկոսը:

4) կարգավորող պետական մարմինը՝ որի մասնակցությունը կազմում է ընդհանուր ծայների երկու տոկոսը:

3. Կոմիտեին անդամակցող սույն հոդվածի երկրորդ մասի առաջին, երկրորդ և երրորդ ենթակետերում նշված սուբյեկտները համապատասխանաբար կազմում են երեք առանձին խմբեր (այսուհետ՝ խումբ), որի անդամներից յուրաքանչյուրն ունի մեկ ծայնի իրավունք համապատասխան խմբում քվեարկություն իրականացնելիս:

4. Նույն անձը Կոմիտեի մասնակից կողմերի կազմում կարող է հանդես գալ կամ որպես հեռուստաընկերություն, կամ գովազդատու կամ գովազդային գործակալություն:

5. Հանրային և մասնավոր մուլտիպլեքսով հեռարձակողները Կոմիտեին անդամակցում են համապատասխան սփռման (լիցենզիայի գործողության) ժամանակահատվածում:

6. Հանրային հեռարձակողները և կարգավորող պետական մարմինը Կոմիտեին անդամակցում են անժամկետ՝ օրենքի ուժով:

7. Կոմիտեն համարվում է ձևավորված, եթե ապահովվել է հանրային մուլտիպլեքսով հեռարձակողների կազմում հանրապետական և մայրաքաղաքային սփռում ունեցող հեռուստաընկերությունների առնվազն կեսից ավելի մասնակցությունը:

8. Կոմիտեն չի կարող ստեղծվել, իսկ ստեղծված լինելու դեպքում գործունեությունը օրենքի ուժով ժամանակավորապես դադարեցվում է, եթե դրան չեն անդամակցում հանրային մուլտիպլեքսով հեռարձակվող հանրապետական և մայրաքաղաքային սփռում ունեցող հեռուստաընկերությունների առնվազն կեսից ավելին:

9. Կոմիտեին անդամակցող անձինք՝ իրենց անդամակցության ժամանակահատվածում պարտավորվում են օգտվել սույն օրենքի 14.2-րդ հոդվածի դրույթներով սահմանված կազմակերպությունների կատարած հեռուստալսարանի չափումների տվյալներից և այլ սահմանված ծառայություններից Կոմիտեի կողմից սահմանված նվազագույն պայմաններով:

10. Սույն հոդվածի 9-րդ մասով սահմանված տվյալներից ու ծառայություններից չօգտվելու դեպքում՝ տվյալ կազմակերպությունը (կամ անձը) պարտավորվում է չօգտված ծառայության արժեքի չափով անհատույց վճարում իրականացնել Կոմիտեին, որի հաշվարկման կարգը սահմանվում է Կոմիտեի կողմից:

11. Կոմիտեի մասնակիցների անդամությունը դադարեցնելու դեպքերը սահմանում է Կոմիտեն:

12. Կոմիտեն ստեղծված է համարվում օրենքով սահմանված կարգով պետական գրանցման պահից: Կոմիտեի պետական գրանցումն իրականացնում է իրավաբանական անձանց պետական ռեգիստրի գործակալությունը: Կոմիտեի գրանցման համար, բացի օրենքով սահմանված փաստաթղթերից, ներկայացվում են նաև տեղեկություններ նրա անդամների մասին: Կոմիտեի անվանումը պետք է ներառի «ինքնակարգավորվող կազմակերպություն» բառերը և «ԻԿԿ» հապավումը:

13. Կոմիտեի ընդունած կարգերը ենթակա են հրապարակման կազմակերպության պաշտոնական կայքում և պարտադիր են Հեռուստալսարանի չափումներ իրականացնելիս:

Հոդված 14.4. Կոմիտեի կառավարման մարմինները

1. Կոմիտեի կառավարման բարձրագույն մարմինը ընդհանուր ժողովն է, որը կազմակերպության ղեկավարումն իրականացնում է տարեկան և արտահերթ ժողովների

գումարման միջոցով: Ընդհանուր ժողովն իրավագոր է, եթե դրան մասնակցում է հիսուն տոկոսից ավելի ծայնի իրավունք ապահովող անդամների կեսից ավելին: Ծայների տոկոսային հաշվարկն իրականացվում է այնպես, որ ապահովվի սույն հոդվածի երկրորդ մասով նախատեսված կարգով որոշումներն ընդունելու հնարավորությունը:

2. Ընդհանուր ժողովում որոշումներն ընդունվում են հետևյալ կարգով.

Հեռուստատեսությունների, ինչպես նաև գովազդատուների և գովազդային գործակալությունների քվեարկության արդյունքները (կողմ կամ դեմ) որոշվում են խմբերից յուրաքանչյուրի շրջանակներում ներառված՝ տվյալ խմբին պատկանող անձանց ընդհանուր քվեարկության արդյունքում՝ մասնակիցների ծայների պարզ մեծամասնությամբ, եթե պարզ մեծամասնությունից տարբերվող ծայների այլ համամասնություն նախատեսված չէ Կոմիտեի կանոնադրությամբ:

Առանձին խմբերում քվեարկության արդյունքներով առավել շատ քանակությամբ ծայները համարվում են որպես տվյալ խմբի կողմ կամ դեմ ծայն սույն օրենքի 14.3 հոդվածով նախատեսված տոկոսային հարաբերակցությամբ ընդհանուր ժողովի համապատասխան որոշումն ընդունելիս:

3. Ընդհանուր ժողովի բացառիկ իրավասության հարցերն են՝

1) Կոմիտեի կանոնադրության հաստատումը.

2) Կոմիտեի դիտորդ խորհրդի (առկայության դեպքում), վերահսկիչ ծառայության (առկայության դեպքում) անդամների և ղեկավարի, ընտրությունը, նրանց գործառույթների սահմանումը, լիազորությունների դադարեցումը.

3) Կոմիտեի գործունեության վերաբերյալ տարեկան հաշվետվությունների հաստատումը (հաշվետվություններին ներկայացվող պահանջները սահմանվում են Ընդհանուր ժողովի կողմից)

4) Հեռուստալսարանի չափումներ իրականացնող անձանց ընտրության ժամկետների որոշումը, գործունեության կասեցումը, դադարեցումը.

5) Կոմիտեի անդամավճարի չափը և այն վճարելու կարգը սահմանելը.

6) գործադիր մարմին ընտրելը.

7) Կոմիտեի կանոնադրությամբ նախատեսված այլ հարցեր:

4. Գործադիր մարմնի և այլ մարմինների գործառույթները, գործունեության կարգը սահմանվում են կազմակերպության կանոնադրությամբ: Կոմիտեի կանոնադրությամբ կարող են սահմանվել սույն օրենքում չնշված այլ կառավարման մարմիններ ևս:

Հոդված 4. Օրենքի 57-րդ հոդվածը լրացնել 6.1 մասով հետևյալ բովանդակությամբ.

1. «6.1 Սույն օրենքի 14.2 հոդվածի 1-ին մասով և Կոմիտեի սահմանած ընթացակարգով չընտրված և/կամ չվերահսկվող անձանց կողմից իրականացված հեռուստալսարանի չափումների արդյունքում գովազդի շուկայական գնի որոշումը յուրաքանչյուր դեպքում առանձին առաջացնում է տուգանքի նշանակում չափումներն իրականացնող անձի համար՝ սահմանված նվազագույն աշխատավարձի հինգհազարապատիկի չափով:»

Հոդված 5. Անցումային դրույթներ

1. Սույն օրենքն ուժի մեջ է մտնում պաշտոնական հրապարակմանը հաջորդող 30-րդ օրը:

2. Մինչև 2024թ. հունվարի 1-ը հեռուստալսարանի չափումներ կարող են իրականացնել Կոմիտեի սահմանած ընթացակարգով չընտրված և/կամ չվերահսկվող ՀՀ ռեզիդենտ իրավաբանական անձինք պայմանով, որ այդ մասին սույն օրենքն ուժի մեջ մտնելուց հետո հնգօրյա ժամկետում կամ հեռուստալսարանի չափումներն իրականացնելուն նախորդող առնվազն հինգերորդ օրը պետք է ծանուցեն Կարգավորող մարմին, իսկ Կոմիտեի ստեղծվելուց հետո Կոմիտեին: Սույն մասում նշված ծանուցումը պետք է պարունակի առնվազն հետևյալ տվյալները՝ չափումներ իրականացնող անձի անվանումը, պետական գրանցման համարը, հասցեն:

3. Կոմիտեի սահմանած ընթացակարգով չընտրված և/կամ չվերահսկվող անձանց կողմից հեռուստալսարանի չափումներ կատարելու գծով կարգավորող մարմինը կարող է սահմանել, փոփոխել կամ դադարեցնել չափանիշներ (ստանդարտներ) հեռուստալսարանի չափումներ իրականացնելու համար և վերահսկել արդյոք համապատասխան չափումներ իրականացնող անձինք պահպանում են այդ չափանիշները (ստանդարտներ):

4. Սույն հոդվածի երրորդ մասով նախատեսված վերահսկողության շրջանակներում Կարգավորող մարմինը կարող է հեռուստալսարանի չափումներն իրականացնող անձանցից պահանջել անհրաժեշտ տեղեկատվություն, փաստաթղթեր կամ այլ նյութեր՝ սահմանելով դրանք ներկայացնելու ժամկետները և/կամ ձևաչափերը:

5. Մինչև 2024թ. հունվարի 1-ը հեռուստալսարանի չափումներ իրականացնող անձինք, ինչպես նաև ցանկացած այլ անձ, ով հեռուստալսարանի չափումների արդյունքները կամ այդ արդյունքների հիման վրա մշակված ցանկացած այլ տվյալ փոխանցում կամ որևէ կերպ օգտագործում է երրորդ անձանց հետ հարաբերություններում մինչև դրանց փոխանցումը և/կամ օգտագործումը, պետք է այդ անձանցից ստացված գրավոր հավաստումների բնօրինակները ներկայացնի կարգավորող պետական մարմին: Սույն մասում նշված գրավոր հավաստման մեջ առնվազն պետք է նշված լինեն, որ

1) հեռուստալսարանի չափումների արդյունքները կամ այդ արդյունքների հիման վրա մշակված ցանկացած այլ տվյալ չի կարող հանդիսանալ օբյեկտիվ տվյալ:

2) Տեղեկատվություն առ այն, որ գրավոր հավաստումը ներկայացնող անձը ծանոթացել է սույն օրենքն ուժի մեջ մտնելուն նախորդող երկու տարվա ընթացքում համապատասխան անձի Հեռուստալսարանի չափումների գծով իրականացված աուդիտի, ստուգումների և ցանկացած այլ ուսումնասիրությունների արդյունքներին, որոնք կասկածի տակ են դնում տվյալ անձի կողմից հեռուստալսարանի չափումների արժանահավատությունը՝ գրավոր հավաստմանը կցելով համապատասխան աուդիտի, ստուգումների և ցանկացած այլ ուսումնասիրությունների ամբողջական արդյունքները (եզրակացություններ) դրանց առկայության դեպքում:

Սույն մասում նշված աուդիտի, ստուգումների և ցանկացած այլ ուսումնասիրությունների արդյունքները համապատասխան հեռուստալսարանի չափումներ իրականացնող անձինք և ցանկացած այլ անձ, ով հեռուստալսարանի չափումների արդյունքները կամ այդ արդյունքների հիման վրա մշակված ցանկացած այլ տվյալ փոխանցում կամ որևէ կերպ օգտագործում է երրորդ անձանց հետ հարաբերություններում, պարտավոր է տրամադրել գրավոր հավաստումը ստորագրող անձին:

6. Մինչև 2024թ. հունվարի 1-ը հեռուստալսարանի չափումներ իրականացնող անձինք, ինչպես նաև ցանկացած այլ անձ, ով հեռուստալսարանի չափումների արդյունքները կամ այդ արդյունքների հիման վրա մշակված ցանկացած այլ տվյալ

տարածում է դրանց տարածմանը զուգահեռ, պետք է համաժամանակյա նույն եղանակով ծանուցի երրորդ անձանց առնվազն հետևյալի մասին.

1) հեռուստալսարանի չափումների արդյունքները կամ այդ արդյունքների հիման վրա մշակված ցանկացած այլ տվյալ չի կարող հանդիսանալ օբյեկտիվ տվյալ:

2) Տեղեկատվություն սույն օրենքն ուժի մեջ մտնելուն նախորդող երկու տարվա ընթացքում համապատասխան անձի մոտ Հեռուստալսարանի չափումների գծով իրականացված աուդիտի, ստուգումների և ցանկացած այլ ուսումնասիրությունների արդյունքների մասին, որոնք կասկածի տակ են դնում տվյալ անձի կողմից հեռուստալսարանի չափումների արժանահավատությունը՝ կցելով համապատասխան աուդիտի, ստուգումների և ցանկացած այլ ուսումնասիրությունների ամբողջական արդյունքները (եզրակացություններ) դրանց առկայության դեպքում:

7. Սույն հոդվածի 3-րդ մասում նշված չափանիշներին (ստանդարտ) չհամապատասխանելու դեպքում համապատասխան անձի իրականացրած հեռուստալսարանի չափումների արդյունքում գովազդի շուկայական գնի որոշումը յուրաքանչյուր դեպքում առանձին առաջացնում է տուգանքի նշանակում չափումներն իրականացնող անձի համար՝ սահմանված նվազագույն աշխատավարձի հինգհազարապատիկի չափով: Ընդ որում, եթե համապատասխան չափումներն իրականացնող անձի կողմից չեն ներկայացվում իրենից պահանջվող սույն հոդվածի երրորդ մասում նշած անհրաժեշտ տեղեկատվությունը, փաստաթղթերը կամ այլ նյութերը, կամ ներկայցվում են ոչ պատշաճ (սխալ, թերի, կարգավորող պետական մարմնի կողմից սահմանված ժամկետից ուշ կամ վերջինիս կողմից սահմանված ձևաչափից տարբերվող ձևով), ապա համարվում է, որ համապատասխան հեռուստալսարանի չափումները չեն համապատասխանում սույն հոդվածի 3-րդ մասում նշված չափանիշներին (ստանդարտ):

8. Սույն հոդվածի 5-րդ մասում նախատեսված գրավոր հավաստումը չներկայացնելու (այդ թվում նաև, երբ ներկայացված հավաստումը չի պարունակում սահմանված բովանդակության որևէ մաս կամ անհրաժեշտ կից փաստաթղթեր) դեպքում յուրաքանչյուր դեպքում առանձին առաջացնում է տուգանքի նշանակում համապատասխան հեռուստալսարանի չափումներ իրականացնող անձանց, ինչպես նաև ցանկացած այլ անձանց համար, ով հեռուստալսարանի չափումների արդյունքները կամ այդ արդյունքների հիման վրա մշակված ցանկացած այլ տվյալ փոխանցում կամ որևէ կերպ օգտագործում է երրորդ անձանց հետ հարաբերություններում, սահմանված նվազագույն աշխատավարձի հազարապատիկի չափով: Ընդ որում սույն մասով նախատեսված պատասխանատվության միջոցը կիրառվում է միայն այն դեպքում, երբ անձը չի ներկայացնում իր հետ անմիջականորեն հարաբերությունների մեջ մտած անձանցից ստացված գրավոր հավաստումները:

9. Սույն հոդվածի 5-րդ մասում նախատեսված Հեռուստալսարանի չափումների գծով իրականացված աուդիտի, ստուգումների և ցանկացած այլ ուսումնասիրությունների արդյունքները համապատասխան անձանց չտրամադրելու (այդ թվում նաև սահմանված ժամկետում չտրամադրել կամ ոչ ամբողջական տրամադրելը) դեպքում յուրաքանչյուր դեպքում առանձին առաջացնում է տուգանքի նշանակում այն տրամադրելու պարտավորություն ունեցող անձանց համար սահմանված նվազագույն աշխատավարձի հազարապատիկի չափով:

10. Սույն հոդվածի 6-րդ մասում նախատեսված ծանուցումը չիրականացնելու կամ ոչ պատշաճ իրականացնելու դեպքում յուրաքանչյուր դեպքում առանձին առաջացնում է տուգանքի նշանակում այդպիսի ծանուցում իրականացնելու պարտավորություն ունեցող անձանց համար սահմանված նվազագույն աշխատավարձի հազարապատիկի չափով:

11. Սույն հոդվածով նախատեսված պատասխանատվության միջոցները կիրառվում են Կարգավորող մարմնի կողմից Օրենքի 9-րդ գլխի կանոններով:

12. Սույն օրենքի 14.3-րդ հոդվածի 1-6-րդ, 9-րդ, 10-րդ մասերը, 14.4-րդ հոդվածի 2-4-րդ մասերը գործում են մինչև 2029թ. հունվարի 1-ը:

ՀԻՄՆԱՎՈՐՈՒՄ

«ՏԵՍԱԼՍՈՂԱԿԱՆ ՄԵԴԻԱՅԻ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔՈՒՄ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔԻ ՆԱԽԱԳԾԻ ԸՆԴՈՒՆՄԱՆ

1. Անհրաժեշտությունը.

«Տեսալսողական մեդիայի մասին» օրենքում լրացում կատարելու անհրաժեշտությունը պայմանավորված է հեռուստաալիքների և առանձին հաղորդումների վարկանիշավորման և հեռուստալսարանի պահանջարկի ու նախընտրությունների ուսումնասիրություն համակարգի ներդրման միտումներով: Օրենսդրական նախաձեռնությամբ նախատեսվում է սահմանել հեռուստալսարանի չափման գործիքակազմ, ստեղծել հեռուստատեսային ինդուստրիայի կոմիտե և չափելի դարձնել գովազդային շուկային գնագոյացման սանդղակը:

2. Խնդիրները եւ կարգավորման նպատակը.

Ներկայիս գործող օրենսդրությամբ նախատեսված չէ Հեռուստաալիքների և առանձին հաղորդումների հեռուստալսարանի ուսումնասիրությունը մեխանիզմ և գործիքակազմ: Սակայն հեռաձևկողների և հատկապես գովազդային շուկայի շահառուների համար այդ տեղեկատվությունը ունի հիմնարար նշանակություն և յուրաքանչյուրը առաջնորդվում է քաղաքացիական օրենսդրությամբ նախատեսված գործունեության հնարավորություններով և ծառայությունների միջոցով հարցին տալիս մասնակի ու տեղային լուծումներ: Ըստ էության, հեռուստաալիքների և առանձին հաղորդումների հեռուստալսարանի ուսումնասիրության հարցը թողնվել է առաջարկի և պահանջարկի տիրույթում՝ հաշվի չառնելով Հեռուստաալիքների և առանձին հաղորդումների հեռուստալսարանի ուսումնասիրության ծառայությունների առանձնահատկությունները, նման ծառայությունների շուկայի վիճակագրության պատկերը, այս բնագավառում միջազգային փորձի նախադեպերը և այլն:

Օրենսդրական նախաձեռնության համար հիմք են հանդիսացել տարածաշրջանի երկրների, ետխորհրդային նմանատիպ երկրների, ԵՏՄ, ԵՄ անդամ երկրների կարգավորումներն ու փորձը, որոնցի առավել հաջողված են զարգացում են արձանագրել Ֆրանսիան, Իսրայելը, Մեծ Բրիտանիան, ԱՄՆ-ն: Առաջարկվող մոդելը ներկայումս օրենսդրորեն ներդրվում է նաև Ռուսաստանում, Մոլդովայում, Ուկրաինայում և ետխորհրդային մի շարք պետություններում:

Վերոնշյալ ուսումնասիրություններից ելնելով Հեռուստաալիքների և առանձին հաղորդումների հեռուստալսարանի ուսումնասիրության իրավական կարգավորումները կարելի է բաժանելի մի քանի խմբերի.

- **Պետության ակտիվ մասնակցությամբ հեռուստալսարանի ուսումնասիրություն.** վերջինիս ծայրահեղական դրսևորումն այն է, երբ պետությունն է անմիջականորեն ՁԼՄ-ների հեռուստալսարանի չափումներն իրականացնում, իսկ չափավոր դրսևորումը, երբ պետությունը այդ գործառույթը պատվիրակում է առանձին մասնագիտացված կազմակերպությունների: Այս խմբի երկրներում օրենսդրորեն սահմանվում են կարգավորումներ առ այն, որ պետությունն ունի մոնոպոլ իշխանություն նշված ծառայությունների մատուցման կամ դրանք մատուցող ընկերություններին ընտրելու և վերահսկելու գծով:

- **Պետության պասիվ մասնակցությամբ հեռուստալսարանի ուսումնասիրություն.** երբ պետությունը նորմատիվ իրավական ակտեր ընդունելու միջոցով սահմանում է, թե ինչպես պետք է իրականացվեն ՁԼՄ-ների լսարանի ուսումնասիրություններ, ի՞նչ եղանակներով պետք է իրականացվեն այդ ուսումնասիրություններն իրականացնող կազմակերպությունների ընտրությունն ու վերահսկողությունը: Ընդ որում այս խմբին պատկանող երկրներում որպես կանոն գործում են խոշոր գովազդատուներից, գովազդային գործակալություններից, ՁԼՄ-ներից բաղկացած ինդուստրիալ կոմիտեներ, ովքեր ընտրում են հեռուստալսարանի ուսումնասիրությունն իրականացնող կազմակերպություններին և վերահսկում նրանց գործունեությունը, սահմանում հեռուստալսարանի ուսումնասիրության ստանդարտները և այլն:

- **Հեռուստալսարանի ուսումնասիրության գծով պետության մասնակցության և անմիջական իրավական կարգավորման բացակայություն:** Այս խմբի մեջ մտնող երկրներում, որպես կանոն, չեն կարևորվում հեռուստալսարանի չափումների արդյունքները (այս ծառայությունները զարգացած չեն տվյալ երկրներում): Օրինակ՝ նմանատիպ մոտեցում գոյություն ունեւ հեռուստալսարանի չափումների վաղ ժամանակաշրջանում, երբ չափումներն անում էին առանձին հեռուստաընկերություններ բացառապես սեփական կարիքների համար:

Հեռուստալսարանի ուսումնասիրության և դրանց չափումների կարգավորման բացակայությունը առաջացնում են հետևյալ հիմնական խնդիրները.

✓ Հեռուստատեսության ոլորտում լսարանի չափումների արդյունքները կասկածելի բնույթ ունեն առնվազն այն տեսանկյունից, որ շուկայի ոչ բոլոր մասնակիցները հնարավորություն ունեն մասնակցել, կառավարել և վերահսկել չափող մարմնի գործառույթները: Չափող մարմինն ինքն է որոշում, թե ինչ եղանակով ու մեթոդներով պետք է իրականացվեն հեռուստալսարանի չափումները:

✓ Բացակայում են գովազդի գների ձևավորման համար հստակ չափորոշիչներ, իսկ այդպիսի չափորոշիչների առկայության դեպքում էլ դրանք անարժանահավատ չեն: Մասնավորապես, հեռուստատեսության ոլորտում այսօր լսարանի ուսումնասիրություն և չափումներ է իրականացնում Ադմոսֆեր Արմենիա կազմակերպությունը, սակայն վերջինիս ուսումնասիրություններն ու չափումները անարժանահավատ են ըստ մասնագիտացված

միջազգային աուդիտորական 3M3A ընկերության: Մասնագիտացված միջազգային աուդիտորական 3M3A ընկերության իրականացրած աուդիտի արդյունքում արձանագրվել է, որ Ադմոսֆեր Արմենիայի համակարգը չի համապատասխանում միջազգային չափանիշներին, այն հիմնովին թերի է և անհնար է հիմնվել նրա տրամադրած չափումների վրա:

Օրենքի նախագծում առաջարկվում է լրացնել «Հեռուստալսարանի չափումները» վերնագրով նոր 3.1-րդ գլուխ, որով կկարգավորվեն կարգավորումներ հեռուստալսարանի ուսումնասիրության և չափումների գործընթացները և կսահմանվեն իրականացնողներ: Առաջարկի հիմքում նախատեսված կարգավորման մշակվել են հետևյալ հիմնարար հիմնախնդիրները կարգավորելու միտումով.

1) Հեռուստալսարանի ուսումնասիրություններն ու չափումներն իրականացվում են հատուկ մասնագիտացված կառույցների միջոցով՝ ուսումնասիրությունների անընդհատության, ստանդարտների, մեթոդների միասնականության, հավաստիության և առաջավոր երկրներում ընդունված այլ սկզբունքներով.

Ներկայումս Հայաստանում գործող հեռուստալսարանի ուսումնասիրության և չափման ծառայություններ կարող է մատուցել ցանկացած կազմակերպություն՝ իր սահմանած սկզբունքներով ու գործիքակազմով, իսկ գովազդային շուկայում մատուցվող ծառայությունների արժեքները, գովազդի արդյունավետությունը, ճշգրիտ թիրախավորումը ի սկզբանե դուրս է վերահսկելիությանից, սահմանված չափանիշների բացակայության պայմաններում կատարվում է չհիմնավորված տվյալներով և ցուցանիշներով: Նման համակարգը նվազեցնում է գովազդակրի գրավչությունը տեղական և միջազգային գովազդատուների համար, ինչպես նաև դառնում դիսկային՝ միջազգային կազմակերպությունների գովազների տարածման ու ներդրումներ կատարելու հետաքրքրվածության տեսանկյունից

Խաթարվում է նաև Սահմանադրությամբ երաշխավորված ազատ մամուլի սկզբունքը, քանի որ հեռուստաընկերություններն ըստ արժանվույնի հատուցում չեն ստանում մատուցված ծառայությունների դիմաց: Առաջարկվող լրացումը նախ՝ կարող է հնարավոր միջավայր ստեղծել հեռուստալսարանի ուսումնասիրություններ և չափումներ իրականացնողների համար, և բարձրացնել նմանատիպ ծառայությունների մատուցման գրավչությունը, երկրորդ՝ այդ ծառայությունները կարող են նպաստել և բարձրացնել գովազդատուների, գովազդ արտադրողների և հեռարձակողների գործունեության արդյունավետությունը:

2) Օգտվելով տեսալսողական մեդիայի շուկայում հեռուստալսարանի չափումներ իրականացնող կառուցակարգերի նախադեպերից, սահմանել հեռուստալսարանի չափումների հիմքերը, լսարանի գնահատման և վերահսկելիության սկզբունքները: Դրանց ապահովման նպատակով ձևավորել բազմակողմ ընդգրկվածությամբ մեկ կառույց՝ Ինդուստրիալ կոմիտա, որը ընդունելի կլինի առնվազն անդամագրվածների շրջանում: Կոմիտեի կազմում կարող են ընդգրկվել խոշոր գովազդատուներ, գովազդ արհադրողներ

(գործակալություններ) և տեսալսողական հեռարձակում իրականացնող կազմակերպություններ:

Նաշատեսվում է հնդուստրիալ կոմիտեի միջոցով կանոնակարգել հետևյալ հիմնական գործառույթները.

- Մրցութային կարգով որոշակի ժամանակահատվածի համար ընտրել տվյալ պահին շուկային անհրաժեշտ չափող կազմակերպություն.

- Սահմանել այն չափանիշները, որոնցով պետք է ղեկավարվի չափումներ իրականացնող կազմակերպությունը,

- Վերահսկողություն իրականացնել չափող կազմակերպության գործունեության նկատմամբ:

3. Ակնկալվող արդյունքը.

Օրենքի նախագծի ընդունման դեպքում տեսալսողական մեդիայի ոլորտում ակնկալվում է հետևյալ արդյունքները.

- ✓ Գովազդային շուկայում գնագոյացման մեխանիզմները հստակեցում,

- ✓ Առավել կանխատեսելի, թիրախային, գրավիչ և արդյունավետ մեդիա գովազդների իրականացում, գովազդատուների հետաքրքրվածության և վստահության բարձրացում, ֆինանսական հոսքերի կանխատեսում և կազմակերպությունների տնտեսական վիճակի բարելավման հնարավորություն.

- ✓ Հաջողված և հեռուստալսարանի շրջանում բարձր վարականիշ վայելող ծրագրերի որոշարկում, պահանջարկված ուղղվածությունների սահմանում, բարձրորակ ծրագրերի նախագծում, արտադրության, կազմակերպության զարգացում.

- ✓ բարձրորակ մեդիա հաղորդումների և սպառողների լայն շրջանակի համար նախագծերի ստեղծում, զարգացումը

- ✓ տեսալսողական ոլորտում հեռուստալսարանի ուսումնասիրության և չափման գործընթացի նկատմամբ վստահության բարձրացում:

ՏԵՂԵԿԱՆՔ ԼՐԱՑՎՈՂ ՀՈԴՎԱԾՆԵՐԻ ՎԵՐԱԲԵՐՅԱԼ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ՕՐԵՆՔ

«ՏԵՍԱԼՍՈՂԱԿԱՆ ՄԵԴԻԱՅԻ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔՈՒՄ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

Հոդված 1. «Տեսալսողական մեդիայի մասին» Հայաստանի Հանրապետության 2020 թվականի հուլիսի 16-ի ՀՕ-395-Ն օրենքի (այսուհետ՝ «Օրենք») 1-ին հոդվածի 1-ի մասը լրացնել նոր 6)-րդ կետով՝ հետևյալ բովանդակությամբ՝

«6) նպաստել տեսալսողական ոլորտում վարկանիշային չափումների զարգացմանը և չափման գործընթացին»

Հոդված 2. Օրենքի 3-րդ հոդվածի առաջին մասն լրացնել նոր 29-րդ և 30-րդ ենթակետով հետևյալ բովանդակությամբ.

«29) Հեռուստալսարանի չափումներ՝ փիփլմետրիկ սարքավորումների միջոցով առանձին տեսալսողական հաղորդումների կամ տեսալսողական ծրագրերի վարկանիշների բացահայտման կապակցությամբ իրականացվող գործունեություն»:

30) Հեռուստատեսային ինդուստրիալ Կոմիտե՝ (այսուհետ՝ Կոմիտե) անդամության վրա հիմնված ինքնակարգավորվող ոչ առևտրային կազմակերպություն (ԻԿԿ), որի իրավունքները, պարտականությունները և գործունեության առանձնահատկությունները սահմանվում է սույն օրենքով և իր կանոնադրությամբ»:

Հոդված 3. Օրենքը լրացնել հետևյալ բովանդակությամբ 3.1-ին գլխով.

«ԳԼՈՒԽ 3.1

ՀԵՌՈՒՍՏԱԼՍԱՐԱՆԻ ՉԱՓՈՒՄՆԵՐԸ

Հոդված 14.1. Հեռուստալսարանի վարկանիշային չափումները և սկզբունքները

1. Հեռուստատեսության ոլորտում վարկանիշի ձևավորվումը, ինչպես նաև հեռարձակման գովազդային շուկայում գնագոյացումն իրականացվում է հեռարձակողների, առանձին տեսալսողական հաղորդումների և տեսալսողական ծրագրերի հեռուստալսարանի չափումների միջոցով (այսուհետև՝ հեռուստալսարանի չափումներ):

2. Հեռուստալսարանի չափումներն իրականացվում են օրինականության, անկողմնակալության, անկախության, վստահելիության, արհեստավարժության, հետազոտությունների անընդմեջության և հեռուստալսարանի չափումների ոլորտում ընդունելի այլ սկզբունքների հիման վրա:

3. Հեռուստալսարանի չափումների արդյունքները ենթակա չեն հրապարակման, եթե համապատասխան հեռարձակողն այդ մասով համապատասխան պահանջ է ներկայացնում Հեռուստալսարանի չափումներ իրականացնող անձին: Հեռարձակողի կողմից համապատասխան պահանջը ներկայացվելուց հետո այդ գծով

հեռուստալսարանի չափումների արդյունքները տրամադրվում են բացառապես կարգավորող մարմնին, ով դրանք կարող է օգտագործել օրենսդրությամբ սահմանված դեպքերում և կարգով:

Հոդված 14.2. Հեռուստալսարանի չափումներ
իրականացնողները

1. Հեռուստալսարանի չափումներն իրականացնում են Կոմիտեի կողմից ընտրված և վերահսկվող առևտրային կազմակերպությունները:

2. Կոմիտեի կողմից հեռուստալսարանի չափումներ իրականացնող անձինք ընտրվում են առնվազն 5 տարի ժամկետով:

3. Հեռուստալսարանի չափումներ իրականացնող կազմակերպություններին ներկայացվող պահանջները՝ ըստ չափումների ենթակա նպատակի, դրանց ընտրության ընթացակարգը, գործառույթները և վերջիններիս հետ կնքվող հեռուստալսարանի չափումների պայմանագրի նվազագույն պայմանները սահմանում է Կոմիտեն:

4. Սույն հոդվածի 1-ին մասով և Կոմիտեի սահմանած ընթացակարգով չընտրված կամ չվերահսկվող կազմակերպությունների իրականացրած հեռուստալսարանի չափումների արդյունքերը հիմք չեն հեռարձակողների վարկանիշների ձևավորման, այդ թվում՝ գովազդի շուկայական ճանաչելի գնի սահմանման համար:

Հոդված 14.3. Կոմիտեն, դրա ձևավորումն ու մասնակիցների լիազորությունների դադարումը

1. Կոմիտեն իրականացնում է հետևյալ հիմնական գործառույթները.

1) սահմանում է հեռուստալսարանի չափումների չափանիշները,

2) մրցության կարգով, որոշակի ժամկետով ընտրում է համապատասխան չափումներ իրականացնող կազմակերպությանը.

3) վերահսկողություն է իրականացնում չափում անցկացնող կազմակերպության հեռուստալսարանի չափումների կատարման նկատմամբ.

4) սահմանում է հեռուստալսարանի չափումներ իրականացնող անձանց ընտրության և մրցույթի կազմակերպման կարգը,

5) սահմանում է Հեռուստալսարանի չափումների գործընթացը կասեցնելու, դադարեցնելու, վերահսկողություն իրականացնելու կարգը,

6) իրականացնում է օրենքով չարգելված այլ գործառույթներ, որոնք միտված են Հեռուստալսարանի չափումների գործընթացի բնականոն գործունեությանը և կատարելագործմանը:

2. Կոմիտեն ձևավորվում է մասնակիցների կամավոր անդամության սկզբունքով, հետևյալ համամասնությամբ՝

1) հանրային և մասնավոր մուլտիպլեքսով սփռում ունեցող հեռուստառնկերությունները, (բացառությամբ միջպետական պայմանագրերի հիման

վրա հեռաձևկողների, ում հիմնադիրների/մասնակիցների/ ցանկում ՀՀ-ն ներառված չէ), որոնց մասնակցությունը կազմում է ընդհանուր ձայների քառասունինը տոկոսը: Ընդ որում, հանրապետական և մայրաքաղաքային սփռում ունեցող հեռարձակողները պետք է կազմեն առնվազն դրա կեսից ավելին:

2) գովազդատուները, որոնց մասնակցությունը կազմում է ընդհանուր ձայների քսանհինգ տոկոսը,

3) գովազդային գործակալությունները, որոնց մասնակցությունը կազմում է ընդհանուր ձայների քսանչորս տոկոսը,

4) կարգավորող պետական մարմինը՝ որի մասնակցությունը կազմում է ընդհանուր ձայների երկու տոկոսը:

3. Կոմիտեին անդամակցող սույն հոդվածի երկրորդ մասի առաջին, երկրորդ և երրորդ ենթակետերում նշված սուբյեկտները համապատասխանաբար կազմում են երեք առանձին խմբեր (այսուհետ՝ Խումբ), որի անդամներից յուրաքանչյուրն ունի մեկ ձայնի իրավունք համապատասխան Խմբում քվեարկություն իրականացնելիս:

4. Նույն անձը Կոմիտեի մասնակից կողմերի կազմում կարող է հանդես գալ կամ որպես հեռուստաընկերություն, կամ գովազդատու կամ գովազդային գործակալություն:

5. Հանրային և մասնավոր մուլտիպլեքսով հեռարձակողները Կոմիտեին անդամակցում են համապատասխան սփռման (լիցենզիայի գործողության) ժամանակահատվածում:

6. Հանրային հեռարձակողները և կարգավորող պետական մարմինը Կոմիտեին անդամակցում են անժամկետ՝ օրենքի ուժով:

7. Կոմիտեն համարվում է ձևավորված, եթե ապահովվել է հանրային մուլտիպլեքսով հեռարձակողների կազմում հանրապետական և մայրաքաղաքային սփռում ունեցող հեռուստաընկերությունների առնվազն կեսից ավելի մասնակցությունը:

8. Կոմիտեն չի կարող ստեղծվել, իսկ ստեղծված լինելու դեպքում գործունեությունը օրենքի ուժով ժամանակավորապես դադարեցվում է, եթե դրան չեն անդամակցում հանրային մուլտիպլեքսով հեռարձակվող հանրապետական և մայրաքաղաքային սփռում ունեցող հեռուստաընկերությունների առնվազն կեսից ավելին:

9. Կոմիտեին անդամակցող անձինք՝ իրենց անդամակցության ժամանակահատվածում պարտավորվում են օգտվել սույն օրենքի 14.2-րդ հոդվածի դրույթներով սահմանված կազմակերպությունների կատարած հեռուստայսարանի չափումների տվյալներից և այլ սահմանված ծառայություններից Կոմիտեի կողմից սահմանված նվազագույն պայմաններով:

10. Սույն հոդվածի 9-րդ մասով սահմանված տվյալներից ու ծառայություններից չօգտվելու դեպքում՝ տվյալ կազմակերպությունը (կամ անձը) պարտավորվում է չօգտված ծառայության արժեքի չափով անհատույց վճարում իրականացնել Կոմիտեին, որի հաշվարկման կարգը սահմանվում է Կոմիտեի կողմից:

11. Կոմիտեի մասնակիցների անդամությունը դադարեցնելու դեպքերը սահմանում է Կոմիտեն:

12. Կոմիտեն ստեղծված է համարվում օրենքով սահմանված կարգով պետական գրանցման պահից: Կոմիտեի պետական գրանցումն իրականացնում է իրավաբանական անձանց պետական ռեգիստրի գործակալությունը: Կոմիտեի գրանցման համար, բացի օրենքով սահմանված փաստաթղթերից, ներկայացվում են նաև տեղեկություններ նրա անդամների մասին: Կոմիտեի անվանումը պետք է ներառի «ինքնակարգավորվող կազմակերպություն» բառերը և «ԻԿԿ» հապավումը

13. Կոմիտեի ընդունած կարգերը ենթակա են հրապարակման կազմակերպության պաշտոնական կայքում և պարտադիր են Հեռուստալսարանի չափումներ իրականացնելիս:

Հոդված 14.4. Կոմիտեի կառավարման մարմինները

1. Կոմիտեի կառավարման բարձրագույն մարմինը ընդհանուր ժողովն է, որը կազմակերպության ղեկավարումն իրականացնում է տարեկան և արտահերթ ժողովների գումարման միջոցով: Ընդհանուր ժողովն իրավագոր է, եթե դրան մասնակցում է հիսուն տոկոսից ավելի ծայնի իրավունք ապահովող անդամների կեսից ավելին. ծայների տոկոսային հաշվարկն իրականացվում է այնպես, որ ապահովվի սույն հոդվածի երկրորդ մասով նախատեսված կարգով որոշումներն ընդունելու հնարավորությունը:

2. Ընդհանուր ժողովում որոշումներն ընդունվում են հետևյալ կարգով.

Հեռուստատեսությունների, ինչպես նաև գովազդատուների և գովազդային գործակալությունների քվեարկության արդյունքները (կողմ կամ դեմ) որոշվում են խմբերից յուրաքանչյուրի շրջանակներում ներառված՝ տվյալ խմբին պատկանող անձանց ընդհանուր քվեարկության արդյունքում՝ մասնակիցների ծայների պարզ մեծամասնությամբ, եթե պարզ մեծամասնությունից տարբերվող ծայների այլ համամասնություն նախատեսված չէ Կոմիտեի կանոնադրությամբ:

Առանձին խմբերում քվեարկության արդյունքներով առավել շատ քանակությամբ ծայները համարվում են որպես տվյալ խմբի կողմ կամ դեմ ծայն սույն օրենքի 14.3 հոդվածով նախատեսված տոկոսային հարաբերակցությամբ ընդհանուր ժողովի համապատասխան որոշումն ընդունելիս:

3. Ընդհանուր ժողովի բացառիկ իրավասության հարցերն են՝

1) Կոմիտեի կանոնադրության հաստատումը.

2) Կոմիտեի դիտորդ խորհրդի (առկայության դեպքում), վերահսկիչ ծառայության (առկայության դեպքում) անդամների և ղեկավարի, ընտրությունը, նրանց գործառույթների սահմանումը, լիազորությունների դադարեցումը.

3) Կոմիտեի գործունեության վերաբերյալ տարեկան հաշվետվությունների հաստատումը (հաշվետվություններին ներկայացվող պահանջները սահմանվում են Ընդհանուր ժողովի կողմից)

4) Հեռուստալսարանի չափումներ իրականացնող անձանց ընտրության ժամկետների որոշումը, գործունեության կասեցումը, դադարեցումը.

5) Կոմիտեի անդամավճարի չափը և այն վճարելու կարգը սահմանելը.

6) գործադիր մարմին ընտրելը.

7) Կոմիտեի կանոնադրությամբ նախատեսված այլ հարցեր:

4. Գործադիր մարմնի և այլ մարմինների գործառույթները, գործունեության կարգը սահմանվում են կազմակերպության կանոնադրությամբ: Կոմիտեի կանոնադրությամբ կարող են սահմանվել սույն օրենքում չնշված այլ կառավարման մարմիններ ևս:

Հոդված 4. Օրենքի 57-րդ հոդվածը լրացնել 6.1 մասով հետևյալ բովանդակությամբ.

1. «6.1 Սույն օրենքի 14.2 հոդվածի 1-ին մասով և Կոմիտեի սահմանած ընթացակարգով չընտրված և/կամ չվերահսկվող անձանց կողմից իրականացված հեռուստալսարանի չափումների արդյունքում գովազդի շուկայական գնի որոշումը յուրաքանչյուր դեպքում առանձին առաջացնում է տուգանքի նշանակում չափումներն իրականացնող անձի համար՝ սահմանված նվազագույն աշխատավարձի հինգհազարապատիկի չափով:»

Հոդված 5. Անցումային դրույթներ

1. Սույն օրենքն ուժի մեջ է մտնում պաշտոնական հրապարակմանը հաջորդող 30-րդ օրը:

2. Մինչև 2024թ. հունվարի 1-ը հեռուստալսարանի չափումներ կարող են իրականացնել Կոմիտեի սահմանած ընթացակարգով չընտրված և/կամ չվերահսկվող ՀՀ ռեզիդենտ իրավաբանական անձինք պայմանով, որ այդ մասին սույն օրենքն ուժի մեջ մտնելուց հետո հնգօրյա ժամկետում կամ հեռուստալսարանի չափումներն իրականացնելուն նախորդող առնվազն հինգերորդ օրը պետք է ծանուցեն Կարգավորող մարմինն, իսկ Կոմիտեի ստեղծվելուց հետո Կոմիտեին: Սույն մասում նշված ծանուցումը պետք է պարունակի առնվազն հետևյալ տվյալները՝ չափումներ իրականացնող անձի անվանումը, պետական գրանցման համարը, հասցեն:

3. Կոմիտեի սահմանած ընթացակարգով չընտրված և/կամ չվերահսկվող անձանց կողմից հեռուստալսարանի չափումներ կատարելու գծով կարգավորող մարմինը կարող է սահմանել, փոփոխել կամ դադարեցնել չափանիշներ (ստանդարտներ) հեռուստալսարանի չափումներ իրականացնելու համար և վերահսկել արդյոք համապատասխան չափումներ իրականացնող անձինք պահպանում են այդ չափանիշները (ստանդարտներ):

4. Սույն հոդվածի երրորդ մասով նախատեսված վերահսկողության շրջանակներում Կարգավորող մարմինը կարող է հեռուստալսարանի չափումներն իրականացնող անձանցից պահանջել անհրաժեշտ տեղեկատվություն, փաստաթղթեր կամ այլ նյութեր՝ սահմանելով դրանք ներկայացնելու ժամկետները և/կամ ձևաչափերը:

5. Մինչև 2024թ. հունվարի 1-ը հեռուստալսարանի չափումներ իրականացնող անձինք, ինչպես նաև ցանկացած այլ անձ, ով հեռուստալսարանի չափումների արդյունքները կամ այդ արդյունքների հիման վրա մշակված ցանկացած այլ տվյալ փոխանցում կամ որևէ կերպ օգտագործում է երրորդ անձանց հետ

հարաբերություններում մինչև դրանց փոխանցումը և/կամ օգտագործումը, պետք է այդ անձանցից ստացված գրավոր հավաստումների բնօրինակները ներկայացնի կարգավորող պետական մարմին: Սույն մասում նշված գրավոր հավաստման մեջ առնվազն պետք է նշված լինեն, որ

1) հեռուստալսարանի չափումների արդյունքները կամ այդ արդյունքների հիման վրա մշակված ցանկացած այլ տվյալ չի կարող հանդիսանալ օբյեկտիվ տվյալ:

2) Տեղեկատվություն առ այն, որ գրավոր հավաստումը ներկայացնող անձը ծանոթացել է սույն օրենքն ուժի մեջ մտնելուն նախորդող երկու տարվա ընթացքում համապատասխան անձի Հեռուստալսարանի չափումների գծով իրականացված աուդիտի, ստուգումների և ցանկացած այլ ուսումնասիրությունների արդյունքներին, որոնք կասկածի տակ են դնում տվյալ անձի կողմից հեռուստալսարանի չափումների արժանահավատությունը՝ գրավոր հավաստմանը կցելով համապատասխան աուդիտի, ստուգումների և ցանկացած այլ ուսումնասիրությունների ամբողջական արդյունքները (եզրակացություններ) դրանց առկայության դեպքում:

Սույն մասում նշված աուդիտի, ստուգումների և ցանկացած այլ ուսումնասիրությունների արդյունքները համապատասխան հեռուստալսարանի չափումներ իրականացնող անձինք և ցանկացած այլ անձ, ով հեռուստալսարանի չափումների արդյունքները կամ այդ արդյունքների հիման վրա մշակված ցանկացած այլ տվյալ փոխանցում կամ որևէ կերպ օգտագործում է երրորդ անձանց հետ հարաբերություններում, պարտավոր է տրամադրել գրավոր հավաստումը ստորագրող անձին:

6. Մինչև 2024թ. հունվարի 1-ը հեռուստալսարանի չափումներ իրականացնող անձինք, ինչպես նաև ցանկացած այլ անձ, ով հեռուստալսարանի չափումների արդյունքները կամ այդ արդյունքների հիման վրա մշակված ցանկացած այլ տվյալ տարածում է դրանց տարածմանը գուգահեռ, պետք է համաժամանակյա նույն եղանակով ծանուցի երրորդ անձանց առնվազն հետևյալի մասին.

1) հեռուստալսարանի չափումների արդյունքները կամ այդ արդյունքների հիման վրա մշակված ցանկացած այլ տվյալ չի կարող հանդիսանալ օբյեկտիվ տվյալ:

2) Տեղեկատվություն սույն օրենքն ուժի մեջ մտնելուն նախորդող երկու տարվա ընթացքում համապատասխան անձի մոտ Հեռուստալսարանի չափումների գծով իրականացված աուդիտի, ստուգումների և ցանկացած այլ ուսումնասիրությունների արդյունքների մասին, որոնք կասկածի տակ են դնում տվյալ անձի կողմից հեռուստալսարանի չափումների արժանահավատությունը՝ կցելով համապատասխան աուդիտի, ստուգումների և ցանկացած այլ ուսումնասիրությունների ամբողջական արդյունքները (եզրակացություններ) դրանց առկայության դեպքում:

7. Սույն հոդվածի 3-րդ մասում նշված չափանիշներին (ստանդարտ) չհամապատասխանելու դեպքում համապատասխան անձի իրականացրած հեռուստալսարանի չափումների արդյունքում գովազդի շուկայական գնի որոշումը յուրաքանչյուր դեպքում առանձին առաջացնում է տուգանքի նշանակում չափումներն իրականացնող անձի համար՝ սահմանված նվազագույն աշխատավարձի հինգհազարապատիկի չափով: Ընդ որում, եթե համապատասխան չափումներն իրականացնող անձի կողմից չեն ներկայացվում իրենից պահանջվող սույն հոդվածի

երրորդ մասում նշած անհրաժեշտ տեղեկատվությունը, փաստաթղթերը կամ այլ նյութերը, կամ ներկայացվում են ոչ պատշաճ (սխալ, թերի, կարգավորող պետական մարմնի կողմից սահմանված ժամկետից ուշ կամ վերջինիս կողմից սահմանված ձևաչափից տարբերվող ձևով), ապա համարվում է, որ համապատասխան հեռուստալսարանի չափումները չեն համապատասխանում սույն հոդվածի 3-րդ մասում նշված չափանիշներին (ստանդարտ):

8. Սույն հոդվածի 5-րդ մասում նախատեսված գրավոր հավաստումը չներկայացնելու (այդ թվում նաև, երբ ներկայացված հավաստումը չի պարունակում սահմանված բովանդակության որևէ մաս կամ անհրաժեշտ կից փաստաթղթեր) դեպքում յուրաքանչյուր դեպքում առանձին առաջացնում է տուգանքի նշանակում համապատասխան հեռուստալսարանի չափումներ իրականացնող անձանց, ինչպես նաև ցանկացած այլ անձանց համար, ով հեռուստալսարանի չափումների արդյունքները կամ այդ արդյունքների հիման վրա մշակված ցանկացած այլ տվյալ փոխանցում կամ որևէ կերպ օգտագործում է երրորդ անձանց հետ հարաբերություններում, սահմանված նվազագույն աշխատավարձի հազարապատիկի չափով: Ընդ որում սույն մասով նախատեսված պատասխանատվության միջոցը կիրառվում է միայն այն դեպքում, երբ անձը չի ներկայացնում իր հետ անմիջականորեն հարաբերությունների մեջ մտած անձանցից ստացված գրավոր հավաստումները:

9. Սույն հոդվածի 5-րդ մասում նախատեսված Հեռուստալսարանի չափումների գծով իրականացված աուդիտի, ստուգումների և ցանկացած այլ ուսումնասիրությունների արդյունքները համապատասխան անձանց չտրամադրելու (այդ թվում նաև սահմանված ժամկետում չտրամադրել կամ ոչ ամբողջական տրամադրել) դեպքում յուրաքանչյուր դեպքում առանձին առաջացնում է տուգանքի նշանակում այն տրամադրելու պարտավորություն ունեցող անձանց համար սահմանված նվազագույն աշխատավարձի հազարապատիկի չափով:

10. Սույն հոդվածի 6-րդ մասում նախատեսված ծանուցումը չիրականացնելու կամ ոչ պատշաճ իրականացնելու դեպքում յուրաքանչյուր դեպքում առանձին առաջացնում է տուգանքի նշանակում այդպիսի ծանուցում իրականացնելու պարտավորություն ունեցող անձանց համար սահմանված նվազագույն աշխատավարձի հազարապատիկի չափով:

11. Սույն հոդվածով նախատեսված պատասխանատվության միջոցները կիրառվում են Կարգավորող մարմնի կողմից Օրենքի 9-րդ գլխի կանոններով:

12. Սույն օրենքի 14.3-րդ հոդվածի 1-6-րդ, 9-րդ, 10-րդ մասերը, 14.4-րդ հոդվածի 2-4-րդ մասերը գործում են մինչև 2029թ. հունվարի 1-ը: